

**Adami Tanneri E Societate Iesv, S. Theologiæ D. Et In
Academia Ingolstad. Professoris, Theologiæ Scholasticæ
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]
vitijs: ac varijs hominum statibus. Secvndae Secvundae S. Thomae
Aqvinatis Respondens

Tanner, Adam

Ingolstadii, 1627

IV. De vitijs spei oppositis, speciatim de desperatione & præsumptione,
itemq[ue] de affirmatiuis præceptis ad spem & timorem pertinentibus.

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

DVBIVMIV.

De vitiis Spei oppositis; speciatim de desperatione, & præsumptione; itemq; de affirmatiuis præceptis ad spem & timorem pertinentibus.

S. Thomas 2. 2. q. 20. 21. & 22.

68 **I**n his citatis tribus quæstionibus agit Sanctus Thomas, de præceptis ad spem pertinentibus; quæ duplicita sunt, quædam negativa, alia affirmativa. Illis prohibentur virtus spei contraria, qualia sunt desperatio, & præsumption; illud per defectum, hoc per excessum spei oppositum; de quibus singulis breviter agendum.

Et quod ad desperationem attinet, affirmamus sequentia. I. Desperatio est vitium in voluntate situm, quo quis beatitudinem ultimam, tanquam bonum quoddam nimis difficile, vel etiam ad obtainendum proflus impossibile refugit, & quasi despiceit, adeoque ab eius procuraione seu intentione desistit, vt recte docet Gregorius de Valentia q. 3. punct. 1. Vbi tamen de desperatione proprius sermo est, prout ab infidelitate sciuncta reperi potest: alias enim despiciuntur prima beatitudo potest, etiam ex infidelitate, si quis eam non credit aut vilem existimet.

II. Est autem desperatione ex suo genere peccatum mortale; & quidem in Spiritum Sanctum, ex dictis supra disput. præced. quæsto. 8. dub. 7. post infidelitatem, & odium Dei, grauissimum; imo utroque nobis quodammodo periculosius, iuxta S. Thomam q. 20. a. 3. Quin etiam probabile est, esse per se quoque grauius infidelitate, ex dictis ibidem quæsto. 8. dub. 2. sicut probabile est, virtutem spei simpliciter esse perfectiorem fidei; licet contrarium à S. Thoma hic quæsto. 20. a. 3. assertum, sit itidem probabile; eo quod infidelitas sit contra Deum secundum se; desperatione contra eundem, vt participatur à nobis. Oritur autem hoc peccatum facile, tum ex luxuria, qua immerita voluptatibus carnalibus, contemnit & negligit coelestes; tum ex aedia, qua difficultate pugna & laboris territa, respuit cœlorum bracium, vt docet S. Thomas q. 20. a. 4. ex Gregorio lib. 3. Moral. cap. 3. 1.

III. Desperatio, late loquendo, duobus modis accedit; primo solum virtualiter: cum quis videlicet ita peccatis immersus est tanquam si nulla alia beatitudo expectanda foret, licet formaliter & in actu quasi signata, nunquam elicit illum, actum voluntatis refugientis beatitudinem: quo modo de peruersissimo quoque dicimus, esse hominem desperatum, seu desperabundum. Sed hec desperatio quamvis supponere possit & soleat multa peccata omissionis contra spem, quæ moraliter tamen eadem reputentur cum peccatis, ex ea omissione consequitur; non est tamen formalis desperatione, licet virtualis dici pos-

sit, quia in effectu quasi æquivaleret formalis.

Secundo accedit desperatione in actu quasi signato, & formaliter; idque vel cum iudicio erroneo contra fidem, v. g. Deum peccatori etiam legitime pœnitenti veniam denegare, vel Deum prædestinare seu necessitare homines ad peccandum, sive etiam ad ipsam inferni damnationem, ante prævisionem peccari &c. & tunc desperatio supponit peccatum infidelitatis; vel sine tali iudicio contra fidem; vt cum quis beatitudinem aspernatur, vel vt nimis difficilem, vel etiam vt impossibilem sibi, sive ob suam peculiarem, eamq; peruersam mentis dispositionem; si quidem non est aperte de fide, neminem induratum à Deo sufficiente gratia inquam delitui, vt suo loco dictum; sive quia temere sibi persuaderet, sereprobum esse, iuxta S. Thomam q. 20. a. 2.

Differunt autem illa duo desperationis genera, tum ex se ac sua natura, vt dictum; tum etiam aliquo modo secundum effectum; nempe quod per formalem desperationem, sive cum infidelitate sive absque ea accidat, amittitur habitus spei, tanquam per actum directe & formaliter contrarium spei, vt ex communi & certa supponit. S. Thomas eadem q. 20. a. 2. non item per desperationem illam virtualem, cum non includat actionem formaliter contrarium spei.

Ex quo sequitur, etiam per desiderium desiderio spei dub. 1. explicatio contrarium, vt si quis ex præuo affectu erga seipsum, desideret perpetuo carere visione seu fruitione Dei, vt in perditissimo homine accidere potest, amitti habitum spei; et si contrarium supponat Vasquez 3. par. disput. 43. num. 8. Secus videtur dicendum, si quis cōspectum ac fruitionem Dei ex odio eiusdem respuat; hic enim affectus charitati potius, quam spei opponitur.

III. Etsi iuxta legem ordinariam, Deus nemini suam damnationem vt absolute futuram reuelet (qua de causa etiam, si quæ fiat alicui, in hoc genere, reuelatio, ordinarie censenda erit, aut illusoria, & à diabolo profecta, aut comminatoria; adeoque conditionata, non absoluta, iuxta omnes) tamen absolute loquendo, nihil obstat, quo minus id fiat, vt habet communis Doctorum sententia; et si neget Bonaventura in expositione textus Magistri i. distinct. 48. apud Vasquez 1. 2. disp. 72. num. 15. Eo vero casu positivo, talis quidem sperare aeternam beatitudinem, nec poterit, nec debet; cum spes sit desiderium efficax rei absolute possibilis haberet, ex dictis dub. 1. cuiusmodi desiderii in eo homine locum habere non potest; vt ex communis recte docet Arragonius hic q. 22. a. 1. contra Victoriam. Attamen si ipse interim etiā proprie loquendo nec licite potest, nec debet desperare; hoc est, beatitudinem cōquendam absolute possibilem obtineri refugere, aut eam quouis modo ob difficultatem, aut impossibilitatem cōtemnere; hoc enim intrinsecus malum est, vt docet etiā Arragonius ibidem. Quamvis, vt recte idem addit, & suo loco docuimus tom. 2. disp. 2. q. 6. du. 6. possit ille suā cū diuina voluntate humiliter conformando (ei enim absolute velle resistere non licet, vt ex parte notauit etiam Vasquez loc.

71

72

73

cit.

cit. & si frustra distingues inter ea bona, quæ dñinitus decernuntur ante præscientiam libera cooperationis, & alia) in peccati sui ac finalis impenitentia iustum vindictam, nolle saluari; quæ est materialis quedam desperatio: non tamen interim pro loco & tempore omitendo actus simplicis amoris ac desiderij erga beatitudinem; hos enim nihilo minus quam antea, subinde elicere poterit atq; etiam debet: sicut tenetur ad alia precepta seruanda, aliosq; debitos virtutum actus exercendos, ut ex comuni recte etiam docet Vasquez loc. cit.

75 IV. Quod vero afferit Augustinus libro 21. de Ciuit. cap. 24. & absolute approbat Arragonius loc. cit. quod si Ecclesia certo cognoscet, quinam ex viuentibus ad æternam mortem sint prædestinati, non magis oraret pro illis, quam pro diabolo; intelligendum est de oratione, qua pro illis efficaciter peratur ultima beatitudo, seu gratia congrua usque ad finem perseverans; non autem qua petantur aliae secundariae gratiae, v.g. abstinentia à singulis peccatis mortalibus, exercendi hos aut illos virtutum actus, &c. hæc enim ut prædictus nihilominus facere teneretur, ita etiam & ipse sibi, ut eidem alij, pro re nata, procurare tenerentur. Ad eundem modum accipendum est, quod loc. cit. num. 17. absolute tradit Vasquez, eiusmodi reprobis posse quidem nos beneficium correctionis fraternali impendere, ; attamen non teneri, quia nulla sit spes emendationis. Imo vero, quia nihilominus desingulis peccatis loquendo, spes esse posset emendationis, sicut & minoris suplicij in inferno luendi, utique teneremur illum, non minus corripere, quam se ipse emendare.

76 Iam vero quod ad præsumptionem, spei per excessum oppositam attinet, breuiter itidem, nota sequentia. I. Præsumptio ex superbia oriri consueta, iuxta S. Thomam questione 21. articulo 4. in proposito, est vitium, quo quis diuinæ bonitati & virtuti nimium confisus, sperat se à Deo bonum quodpiam consequuturum, aut saltet eo modo consequuturum, quod, vel quo modo secundum legem Dei ordinariam obtineri non potest, ex S. Thoma questione 21. a. 1. Estque peccatum mortale ex suo genere, & in Spiritum Sanctum, ex dictis disp. 1. q. 8. dub. 7. leui⁹ tamen desperatione, eo quod illa iustitiam, hæc misericordiam, magis quodammodo Deo propriam & connaturalem perfectionem, lèdat, vt docet S. Thomas q. 21. a. 2. ex communi.

II. Præsumptio varijs modis contingere potest; & in genere quidem duobus; salua nimis fide, & cum expressa infidelitate, iuxta S. Thomam questione 21. articulo 1. & 2. vt in simili de desperatione dictum. In specie autem, contingit quatuor, vel quinque modis, vt ex parte etiam tradit S. Thomas a. 1. cit. 1. Si quis sperat à Deo consequi gratiam, vel beatitudinem, proprijs naturæ viribus, vt faciebant olim Pelagiani. Et quamuis S. Thomas eodem articulo 1. significet, talem præsumptionem, qua quis defuis viribus nimium confidat, opponi magnitudini; id tamen intelligendum videtur, nisi bona

ita temere sperata supernaturalia sint, quæ proinde à solo Deo principaliter sperare iubemur; præsertim quando talis præsumptio ipsi etiam fidei repugnat. 2. Si quis indebito modo speret à Deo supernaturalia, vt remissionem peccatorum sine penitentia, gloriam sine proprijs meritis; quæ est præsumptio Lutheranorum, deterior iuxta S. Thomam cit. articul. 1. ad 1. præsumptione Pelagianorum; cum per illam, ipsi virtuti diuina derogetur, per hanc solum extollatur virtus propria. Quod enim aliquis innaturat diuinæ virtuti ad consequendum id, quod Deo non conuenit, hoc est diminuere diuinæ virtutem, inquit S. Thomas loc. cit. 3. Si quis à Deo speret peculiare auxilium ad peccandum; quæ est præsumptio Caluinistarum. 4. Si quis à Deo superbe speret tanta bona, quanta secundum ordinariam Dei prouidentiam, nulli possint contingere; v.g. gloriam B. Virginis, iuxta dicta tom. 2. disput. 6. quæst. 4. dub. 4. de gratia 5. Si quis nullum peccandi finem faciens, adeo que impenitens, adhuc tamen se non minus certo saluū fore, veniamque non minus facile impetraturum speret, quam si nihil peccasset; licet interim propositum penitentiae expresse non excludat: quæ virtualis quædam præsumptio est; & per se absque infidelitate consistit; cum præcedentes sine ea nunquam, aut certe non ita facile & frequenter reperiantur, vt docet etiam Gregorius de Valentia hic q. 3. punct. 3.

III. Illi vero qui ex fragilitate, sub spe veni⁷⁹ (nō vt formaliter motiu peccandi, sed vt miavente timore, alioqui ex consideratione diuinæ iustitiae oriri solitu) peccant, cum proposito formaliter, aut virtuali ipsius peccantia; vel etiam ideo liberius peccant, quod iam simile peccatum commiserint, eadem opera confitendum, non peccant in spiritu Sanctorum: imo illi eo ipso, quod habent voluntatem minus in peccato obfirmatam, ceteris partibus minus peccant, iuxta S. Thomā q. 21. a. 2. ad 3. hi vero tametsi conuincatur habere animū male dispositum, quasi videlicet peccata vitare non soleant, nisi ob humanum pudorem; tamen non ideo circumstantia illa, per se peccatum mortaliter videatur aggrauare; cum id re ipsa non sit aliud, quam nouæ erubescientiae metu solutum, facilius peccare.

IV. Formali præsumptione pcepto negativo Spei oppositam amittitur habitus spesi; non autem præsumptione materiali vel virtuali, vt in simili superiori de desperatione dictum, ex communi.

Quod vero ad tertium, scilicet præcepta affirmativa, ad spem & timorem spectantia attinet, statuimus sequentia. I. Affirmatiuum præceptum spesi obligat, 1. quando quis aliqua grauiore tentatione desperationis infestatur; quod præcipue accidere solet in articulo mortis, vt recte Valentia hic q. 4. punct. 1. etsi fortasse omisso Spei non sit peccatum distinctum à peccato desperationis inde sequutum, 2. probabiliter etiā, quando quis primum in vita de spesi ratione & necessitate cogitat; non autem præcise in primo instanti vius rationis, vt contra Bannem, & alios docet ibidem Valentia, & dictum tom. 2. disp. 4. q. 5. dub. 4. de-

de peccatis. 3. Per accidens s^epē obligat, quotiescunq;^s ad vincendā aliquā tentationē, aut præceptum aliquod seruandum, necessarius est actus spei. Quamquam tunc eum actum prætermittere, non est peccatum distinctum à peccato consequente, ad quod vitandum actus spei requirebatur ut ex co^muni, generatim dictum tomo 2.
disp. 4. q. 2. dub. 1. n. 17.

II. Eodem modo præceptum affirmatiuum timoris obligat, quando vel graui tentatione presumptionis animus pulsatur; aut alioqui ad vincendam tentationem, vel præceptum seruandum necessarius videtur timoris actus. Alias autem præceptum timoris tam seruulis, quam filialis, perse non obligare, probabilius censet Valentia loc. cit. contra Bannem hic quest. 22. artic. 2. Cur autem, & qua ratione Sanctus Thomas ibi-

dem a. 1. & 2. afferat, in ipsa prima legislatione à Deo præceptum formale (sub expressis scilicet verbis præceptiuis) de spe aut seruili timore, nec datum, nec dandum fuisse, colligi potest ex dictis in simili de fide questio. 7. dub. 3. & alijs, quæ docuimus tomo 2. d. 5. questione 3. dub. 2. num. 21.

III. Per peccata præceptis solum affirmatiuis spei opposita, spes non amittitur, vt etiam de fide dictum. Etsi per accidens, quotiescunq; peccato infidelitatis fides amittitur, ex consequenti etiam amittatur habitus spei; sicut & charitatis, aliarumque omnium virtutum infusarum: cum isti habitus omnes supponant habitum fidei, vt cum Sancto Thoma quest. 4. a. 7. & q. 17. a. 7. & 8. dictum dub. 1. & supra de fide q. 6. dub. 2. Atque haec de spe.

Q V A E S T I O II.

De Charitate secundum se; eiusque subiecto, tam proximo, quam remoto; itemque de causa efficiente, augmento, diminutione, & corruptione eiusdem.

Sanctus Thomas 2. 2. q. 23. 24.

Absolutetur hec questio sex dubitationibus. I. An, & qualis, cuiusq; obiecti virtus sit Charitas; an sit vera amicitia inter Deum & hominem; an sit una virtus; eademq; perfectissima omnium, an forma virtutum. II. An preter Charitatem virtutem Theologicam, dentur alij habitus amoris amicitiae erga Deum, vel proximum. III. De subiecto Charitatis, tam proximo, quam remoto; speciatim an eiusdem speciei & intensionis sit in via & in patria. IV. De productione & augmentatione charitatis; an à solo Deo producatur; quomodo item & quantum charitas augeri, siue intendi possit. V. Vtrum quolibet actu charitatis charitas in hac vita augetur; & quomodo. VI. An, & quomodo charitas possit diminui, & amitti, siue corrumphi.

D U B I U M I.

An, & qualis virtus secundum essentiam sit charitas; an item sit vera amicitia inter Deum & hominem; an sit una virtus; eademq; perfectissima omnium, ac forma virtutum.

S. Thomas 2. 2. q. 23. aa. 8.

Accepitur charitas in praesenti pro ea virtute, seu vi, qua Deum amore benevolentia diligimus; ad cuius essentiam ac proprietates declarandas, iuxta ordinem questionum in hac dubitatione propositorum, sequentes assertiones ex mente S. Thoma statuimus.

ASSERTIO I. Charitas est aliquid creatum, in anima hominis iusti inhærens, & quidem permanenter, velut habitus. Ita docet S. Thomas q. 23. a. 2. ex co^muni omnium Doctorum, contra Magistrum in 1. dist. 17. qui putauit, charitatem non esse habitum aliquem creatum, sed ipsum Spiritū Sanctū immediate in nobis efficientem actu charitatis; cuius sententiam etiam Scotus, & alij

nonnulli ibidem probabilem existimarunt.

Sed posita assertio est iam adeo certa, vt quoad priorem partem plane sit de fide, & aperte definita in Concilio Tridentino sess. 6. c. 7. vbi dicitur; Charitatem diffundi in cordibus eorum, qui iustificantur, atq; ipsis inhærent, & in ipsa iustificatione hac omnia simul infusa accipere hominem &c. fidem, spem, & charitatem. Et Canone 11. habetur: Si quis dixerit, homines iustificari vel sola imputacione iustitia Christi, vel sola peccatorum remissione, exclusa gratia & charitate, qua in cordibus eorum per spiritum sanctum diffundatur, atq; illis inhæreat, &c. anathema sit. Idem sumitur ex scriptura ad Rom. 5. v. 5. Charitas Dei diffusa est in cordibus nostris, per spiritum sanctum, &c.